



Informativni bilten Općine Maglaj



SADRŽAJ

- Obilježena 29. godišnjica bitke za Pazarić
- Održana 23. redovna sjednica Općinskog vijeća Maglaj
- Ministrica Draženka Subašić prisustvovala sjednici Privrednog savjeta Općine Maglaj
- Obilježen Dan nezavisnosti BiH
- Održana 24. redovna sjednica Općinskog vijeća Maglaj
- Vlada Japana osigurala sredstva za projekat opremanja Doma zdravlja Maglaj
- Općinski načelnik upriličio prijem za nadarene studente
- Ministar za boračka pitanja Zeničko-dobojskog kantona podijelio rješenja za dodjelu stipendija



OBIJELJEŽENA 29. GODIŠNJICA BITKE ZA PAZARIĆ



Polaganjem cvijeća na spomenobilježje u Liješnici i spomenobilježje na Pazariću, obilježena je godišnjica bitke za Pazarić, koja se desila 21. januara 1994. godine. Brojne delegacije odale su dužnu počast i prisjetile se šehida i poginulih boraca koji su stradali u toku akcije.

Mirsad Mahmutagić, Općinski načelnik Maglaj, rekao je kako se mora pričati o herojskoj i časnoj borbi pripadnika Armije R BiH.

“Mi još uvijek koristimo jako oružje, a to je istina. Moramo uvijek prenositi istinite činjenice, posebno na ovim značajnim datumima, a koje se tiču agresije na BiH. Važno je pričati o herojskoj i časnoj borbi pripadnika Armije R BiH, gdje god da se nalazimo. Uvijek možemo poručiti da nas ima dovoljno hrabrih da ovu državu gradimo i branimo”, rekao je Općinski načelnik.



Mirsad Bajrić i Izet Hadžić, učesnici bitke za Pazarić, održali su čas historije i opisali detaljno tok borbe 21. januara 1994. godine.

ODRŽANA 23. REDOVNA SJEDNICA OPĆINSKOG VIJEĆA MAGLAJ

Dvadeset treća redovna sjednica Općinskog vijeća Maglaj održana je 31.01.2023. godine. Vijećnici su razmatrali dvadeset jednu tačku, jer je Dnevni red dopunjen prijedlozima rješenja o popuni Komisije za izbor i imenovanja Općinskog vijeća Maglaj.

Dvije tačke dnevnog reda su skinute i bit će razmatrane na nekoj od narednih sjednica.

Usvojen je Operativni budžetski/proračunski kalendar za izradu i donošenje Budžeta/Proračuna za 2024. godinu i Dokument okvirnog Budžeta/Proračuna za 2024. – 2026. godinu, te Nacrt Poslovnika o radu Općinskog vijeća Maglaj koji je upućen u javnu raspravu.

Nadalje, vijećnici su usvojili Izvještaj o radu Općinskog vijeća Maglaj za 2022. godinu i Program rada Općinskog vijeća Maglaj za 2023. godinu.



Također, usvojena je Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg/dopredsjedavajućeg i naknada članovima radnih tijela Općinskog vijeća Maglaj, Odluka o visini naknade za članove Općinske izborne komisije Maglaj za 2023. godinu, te Odluka o prosječnoj konačnoj građevinskoj cijeni 1 m² korisne stambene površine na području općine Maglaj za 2023. godinu koja iznosi 820 KM.

Na dvadeset trećoj sjednici Općinskog vijeća Maglaj, usvojen je i Nacrt Odluke o javnim priznanjima Maglaja koji je upućen u javnu raspravu. Općinsko vijeće Maglaj dalo je saglasnost za konačno imenovanje direktora Doma kulture „Edhem Mulabdić“ Maglaj. U nastavku sjednice usvojena je Odluka o prodaji nekretnina neposrednom pogodbom Smailović (Mujo) Alminu iz Čoba radi oblikovanja građevinske parcele, te je prihvaćeno Rješenje o utvrđivanju prava vlasništva u korist Smajlović (Islam) Ruvejde iz Čoba i Rješenje o utvrđivanju prava vlasništva u korist Smajlović (Ramo) Hamzalije iz Čoba.

Općinsko vijeće Maglaj dalo je saglasnost za konačno imenovanje direktora Doma kulture „Edhem Mulabdić“ Maglaj. U nastavku sjednice usvojena je Odluka o prodaji nekretnina neposrednom pogodbom Smailović (Mujo) Alminu iz Čoba radi oblikovanja građevinske parcele, te je prihvaćeno Rješenje o utvrđivanju

prava vlasništva u korist Smajlović (Islam) Ruvejde iz Čoba i Rješenje o utvrđivanju prava vlasništva u korist Smajlović (Ramo) Hamzalije iz Čoba.

Općinsko vijeće Maglaj zbog isteka mandata, imenovalo je nove članove Komisije za procjenu prometne vrijednosti nekretnina, Komisije za utvrđivanje tržišne vrijednosti na imovinu, naslijeđe i poklon i Drugostepene stručne komisije. Također, izvršena je popuna članova u Etičkoj komisiji časti, Komisiji za pitanje mladih i ravnopravnost polova i Komisiji za obrazovanje, nauku, kulturu i sport.

Nakon rasprave u kojoj su vijećnici istaknuli napredak u radu Policijske stanice Maglaj, Informacija o stanju javnog reda i mira na području općine Maglaj primljena je k znanju.

Na kraju sjednice, postavljena su vijećnička pitanja i pokrenute vijećničke inicijative.

MINISTRICA DRAŽENKA SUBAŠIĆ PRISUSTVOVALA TEMATSKOJ SJEDNICI PRIVREDNOG SAVJETA OPĆINE MAGLAJ

Na temu „Obrazovanje i potrebe tržišta rada“ održana je sjednica Privrednog savjeta općine Maglaj, kojoj je prisustvovala i Draženka Subašić, ministrica za obrazovanje, nauku, kulturu i sport Zeničko-dobojskog kantona sa saradnicima.

Draženka Subašić, ministrica za obrazovanje, nauku, kulturu i sport Zeničko-dobojskog kantona, istaknula je važnost upućivanja roditelja i učenika u potrebe tržišta rada.

„Danas smo se sastali da zajedno sa privrednicima vidimo šta je općini Maglaj potrebno od stručnih kadrova, te da pokušamo obrazovni proces prilagoditi tim potrebama. U ovom mjesecu se rade profesionalne orijentacije učenika devetih razreda, te zaista je potrebno da se roditelji i učenici upute u to šta su potrebe tržišta. Cilj svakog djeteta je nakon završetka školovanja pronaći čim prije posao i postati samostalan čovjek u našoj državi, a na privrednicima je da vide šta im treba, kako bi ostali i zaposlili se“, istaknula je ministrica Subašić.

Cilj sjednice je bio informisanje i iniciranje aktivnosti za prilagođavanje obrazovanja potrebama tržišta rada na nivou lokalne zajednice, uz partnerski odnos Ministarstva za obrazovanje, nauku, kulturu i sport Zeničko-dobojskog kantona i poslodavaca.

Mirsad Mahmutagić, Općinski načelnik Maglaj, rekao je kako se iskazala potreba za novim smjerovima u srednjoj školi koji bi zadovoljili potrebe tržišta rada.



„Kroz ranije sjednice Privrednog savjeta Općine Maglaj iskazala se potreba za uvođenjem nekih novih smjerova u srednjoj školi, kako bi se zadovoljilo tržište rada, odnosno zahtjevi naših privrednika. Odlučili smo da pozovemo ministricu za obrazovanje, nauku, kulturu i sport Zeničko-dobojskog kantona, kako bismo konkretno razgovarali o mogućnostima zadovoljavanja potreba naših privrednih subjekata“, rekao je Općinski načelnik.

Nesib Serhatlić, član Privrednog savjeta općine Maglaj, rekao je kako su trenutno neophodna proizvodna zanimanja.

„Tema današnjeg sastanka je zaista bila konkretna. Smatram da još uvijek ne postoji usklađenost između obrazovanja i potreba radne snage. Zaista na području općine Maglaj nam treba dosta proizvodnih kadrova, koji će raditi proizvodna zanimanja kao što su: zidari, tesari, armirači, stolari, kuhari, konobari i slično“, rekao je Serhatlić.

Na kraju, usaglašeno je formiranje zajedničke radne grupe, sastavljene od predstavnika Općine Maglaj, Mješovite srednje škole Maglaj i Privrednog savjeta.

OBILJEŽEN DAN NEZAVISNOSTI BIH



Svečanom akademijom, koja je održana u kino sali JU Dom kulture „Edhem Mulabdić“, obilježen je Dan nezavisnosti Bosne i Hercegovine. Prisutnima su se obratili Svjetlana Zamboni, predsjedavajuća Općinskog vijeća Maglaj, Eldina Mehinagić, rukovodilac Službe za boračko-invalidsku i socijalno zaštitu, opću upravu i društvene djelatnosti i Semiz Nalić, predsjednik Udruženja „RVI“ Maglaj.

U muzičkom dijelu programa učestvovali su: Benisa Hasić, mali hor Osnovne škole

„Maglaj“, JU Dječiji vrtić Maglaj, dok se prigodnim recitalom predstavila Asja Đuhera.

Prije svečanog programa, delegacije su položile cvijeće na: Trg Alije Izetbegovića, spomen-obilježje prvom šehidu Rifatu Abidoviću, šehidsko mezarje Podborik, spomen-obilježje civilnim žrtvama rata, spomenik Čakalovac, Centralno spomen-obilježje u Parku ljiljana, te na biste narodnih heroja Petra Dokića i Sulejmana Omerovića Cara i prvoborca Ibrišima Obralića.

ODRŽANA 24. REDOVNA SJEDNICA OPĆINSKOG VIJEĆA MAGLAJ

Dvadeset četvrta redovna sjednica Općinskog vijeća Maglaj održana je 28.02.2023. godine. Vijećnici su razmatrali sedamnaest tačaka Dnevnog reda, s tim što je šesnaesta tačka preimenovana u Izvještaj o upravnom rješavanju i provedenim upravnim postupcima Jedinственог органа управе за 2022. godinu.

Usvojena je Odluka o naknadama za vatrogastvo, Odluka o raspodjeli sredstava za finansiranje političkih stranaka zastupljenih u

Općinskom vijeću Maglaj za 2023. godinu, Odluka o usvajanju djelimične izmjene Urbanističkog plana Kosova po zahtjevu Mešić (Hasan) Elvira, Odluka o usvajanju djelimične izmjene Urbanističkog plana Kosova po zahtjevu Husić (Fikret) Eldina, Odluka o usvajanju djelimične izmjene Regulacionog plana Kosova po zahtjevu Smajić Samila i Smajić Muradifa iz Kosove, kao i Odluka o gubitku statusa javnog dobra u općoj upotrebi za k.č. br. 2811/4 k.o. Maglaj – predmet Bašić (Ibrahim) Esad.

Nadalje, vijećnici su usvojili Izvještaj o radu općinskog organa uprave Općine Maglaj – Općinski načelnik za 2022. godinu, Program rada općinskog organa uprave Općine Maglaj – Općinski načelnik za 2023. godinu, Plan i program rada „Komunalno javno društvo“ d.o.o. Maglaj za period 01.01. – 31.12.2023. godine, te Plan i program rada i razvoja J.P. „Veterinarska stanica“ Maglaj d.o.o. za 2023. godinu.



INFO FEBRUAR 2023.

Na dvadeset četvrtoj sjednici Općinskog vijeća Maglaj, usvojen je Plan i program održavanja, sanacije, rekonstrukcije i uređenja lokalnih i nerazvrstanih cesta i gradskih ulica sa finansijskim pokazateljima na području općine Maglaj za 2023. godinu, Plan i program održavanja javne higijene i zimskog održavanja gradskih javnih površina sa finansijskim

pokazateljima za 2023. godinu, Plan i program održavanja javnog zelenila na gradskom području sa finansijskim pokazateljima za 2023. godinu, kao i Akcioni plan za implementaciju Platforme za mir 2022.-2023. godine.

Vijećnici su dali Saglasnost za namjenu neopremljenog prostora potkrovlja JU Dom kulture „Edhem Mulabdić“ u Maglaju radi realizacije projekta „Izgradnje Resursnog centra za mlade u Maglaju“. Također, usvojen je Izvještaj o upravnom rješavanju i provedenim upravnim postupcima Jedinstvenog organa uprave za 2022. godinu, a Informacija o statusu Općinskog pravobranioca primljena je k znanju.

Na kraju sjednice, postavljena su vijećnička pitanja i pokrenute vijećničke inicijative.

VLADA JAPANA OSIGURALA SREDSTVA ZA PROJEKAT OPREMANJA DOMA ZDRAVLJA MAGLAJ

Vlada Japana osigurala je bespovratna sredstva u iznosu od 219.620 eura (oko 429.500 KM) za tri projekta nabavke vozila hitne pomoći i medicinske opreme za domove zdravlja u Maglaju, Doboju i Kozarskoj Dubici.



INFO MART 2023.

U rezidenciji ambasadora Japana u BiH, ugovore su potpisali Kinefuchi Masami, ambasador Japana u BiH i direktori ustanova: Nejra Nalić-Medžić (Dom zdravlja Maglaj), Vladimir Marković (Dom zdravlja Doboj) i Vladimir Babić (Dom zdravlja Kozarska Dubica). Ceremoniji potpisivanja ugovora prisustvovali su načelnici/gradonačelnici: Mirsad Mahmutagić (Općina Maglaj), Boris Jerinić (Grad Doboj) i Radenko Reljić (Općina Kozarska Dubica) i uputili riječi zahvalnosti za humanost Vlade i naroda Japana, naglašavajući da će odobreni projekti doprinijeti poboljšanju kvalitete usluga koje zdravstvene ustanove pružaju stanovništvu.



Za Projekt opremanja Doma zdravlja Maglaj sa dva vozila hitne pomoći odobreno je 76.912 eura (oko 150.400 KM). Vozila hitne pomoći koristit će se, ne samo za hitne slučajeve, već i za pacijente na dijalizi. Očekuje se da će godišnje oko 1.000 pacijenata dobiti odgovarajuću uslugu prijevoza.

Ugovori za projekte, koji su potpisani ovom prilikom, predstavljaju nastavak prethodne podrške, te će doprinijeti pružanju efikasnijih i efektivnijih usluga.

OPĆINSKI NAČELNIK MAGLAJ UPRIILIČIO PRIJEM ZA NADARENE STUDENTE



Mirsad Mahmutagić, Općinski načelnik Maglaj, upriiličio je prijem za nadarene studente, te im uručio prigodne novčane nagrade. Pohvalio je njihovo zalaganje da ispune svoje studentske obaveze, te istakao da Općina Maglaj svake godine određeni dio sredstava usmjerava ka studentima, kako bi se nagradio njihov trud.

Također, svi studenti imaju mogućnost da se poslije diplomiranja stručno osposobljavaju u Općini, javnim ustanovama ili javnim preduzećima. Nagrađeni su studenti koji imaju dobar prosjek ocjena, kao i oni koji se školuju za neka od deficitarnih zanimanja.

MINISTAR ZA BORAČKA PITANJA ZENIČKO-DOBOJSKOG KANTONA PODIJELIO RJEŠENJA ZA DODJELU STIPENDIJA

Adnan Sirovica, ministar Ministarstva za boračka pitanja Zeničko-dobojskog kantona podijelio je rješenja za dodjelu stipendija za 118 studenata sa područja općine Maglaj.

Vlada Zeničko-dobojskog kantona i Ministarstvo za boračka pitanja su osigurali sredstva da svi studenti - branioci i članovi njihovih porodica, koji ispunjavaju formalno-pravne uslove, dobiju stipendije ovog Ministarstva za studijsku 2022/2023. godinu.

Na konkurs Ministarstva za boračka pitanja, koji je objavljen početkom novembra 2022. godine prijavilo se 1.875 studenta, a uslove za dodjelu stipendije ispunila su 1.732 redovna i samofinansirajuća studenta sa područja Zeničko-dobojskog kantona, što je za 255 studenata manje nego prethodne godine.



svečano otvaranje Festivala



19:00 OKUPLJANJE U NOVOM GRADSKOM PARKU

19:30 ŠETNJA KROZ GRAD

19:45 PODIZANJE ZASTAVE NA PLATOU KOD OPĆINE

20:00 DOLAZAK U STARI GRAD
POČETAK FESTIVALA "MALO LJETO"

20:45 AZAHARI AKO OMERSOFTIĆ

21:15 OKUPLJANJE NA GRADSKOM MOSTU
VATROMET



16.06.2023.



U periodu januar-mart 2023. godine
na prigodan način upućene su čestitke povodom:

- Božića
 - Pravoslavne nove godine
- Dana vozača i automehaničara
- Početka drugog polugodišta
 - Dana nezavisnosti BiH
 - Međunarodnog dana žena
- Mubarek mjeseca Ramazana